

Broj: 23-4954-14/24

Datum: 16.07.2024. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj 23-4954-12/24 od 11.07.2024. godine, u postupku javne nabavke roba **Osteosintetski materijal, JN 36/24**, direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 23-4954-12/24 od 11.07.2024. godine za javnu nabavku roba – **Osteosintetski materijal** za LOT-ove kako slijedi :

LOT 2. Proksimalni femoralni čavao i humeralni kanulirani čavao

LOT 3. Proksimalni femoralni čavao

LOT 4. Ugaone pločice zaključavajuće

te se Okvirni sporazumi za javnu nabavku roba dodjeljuje ponuđačima kako slijedi :

Ponuđaču „**INEL-MED**“ **d.o.o. Mostar**, ponuda dostavljena dana 24.06.2024.godine, za ukupnu ponuđenu cijenu na dvogodišnjem nivou kako slijedi :

LOT 2 Proksimalni femoralni čavao i humeralni kanulirani čavao – 191.280,00 KM bez uračunatog PDV-a, odnosno 223.797,60 KM sa uračunatim PDV-om kao jedinom i prihvatljivom ponuđaču na dvogodišnjem nivou;

Ponuđaču MEDIT d.o.o. Sarajevo, ponuda dostavljena dana 27.06.2024.godine, za ukupnu ponuđenu cijenu na dvogodišnjem nivou kako slijedi :

LOT 3 Proksimalni femoralni čavao – 33.760,00 KM bez uračunatog PDV-a, odnosno 39.499,20 KM sa uračunatim PDV-om kao jedinom i prihvatljivom ponuđaču na dvogodišnjem nivou

LOT 4 Ugaone pločice zaključavajuće 16.900,00 KM bez uračunatog PDV-a, odnosno 19.773,00 KM sa uračunatim PDV-om kao najpovoljnijem ponuđaču na dvogodišnjem nivou

Član 2.

Postupak iz člana 1. ove Odluke proveden je metodom „otvoreni postupak za dostavu ponuda“, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

Član 3.

Nakon prijema i evaluacije ponuda konstatovano je da su ponude za predmetnu nabavku dostavila 3 (tri) kvalifikovanih ponuđača

LOT 2. Proksimalni femoralni čavao i humeralni kanulirani čavao

1. INEL-MED d.o.o. Mostar..... 191.280,00 KM

LOT 3. Proksimalni femoralni čavao

1. MEDIT d.o.o. Sarajevo 33.760,00 KM

LOT 4. Ugaone pločice zaključavajuće

1. MEDIT d.o.o. Sarajevo 22.300,00 KM

2. MARK MEDICAL d.o.o. Sarajevo 25.280,00 KM

Član 4.

- Informacija o E-aukciji:

Ugovorni organ je u tenderskoj dokumentaciji predvidio provođenje E-aukcije za LOT-ove 2 i 3.

Nakon prijema i evaluacije ponuda konstatovano je da je ponudu za predmetne LOT-ove dostavio po 1 (jedan) kvalifikovani ponuđač.

U skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14 i 59/22).

Ugovorni organ je u tenderskoj dokumentaciji predvidio provođenje E-aukcije za LOT 4. Nakon prijema i evaluacije ponuda konstatovano je da su ponudu za predmetnu nabavku za LOT 4 dostavila 2 (dva) kvalifikovana ponuđača i to: Medit d.o.o. Sarajevo i Mark Medical d.o.o. Sarajevo.

E-aukcija sa navedenim kvalifikovanim ponuđačima zakazana je dana 11.07.2024. godine sa početkom u 13,00 sati.

Po završetku E-aukcije, a na osnovu Izvještaja o toku i završetku E-aukcije, ponude navedenih ponuđača za predmetnu nabavku su rangirane kako slijedi:

- | | |
|---------------------------------|-------------------------------------|
| 1. Medit d.o.o. Sarajevo | 16.900,00 KM bez uračunatog PDV-a i |
| 2. Mark Medical d.o.o. Sarajevo | 17.000,00 KM bez uračunatog PDV-a. |

Izvještaj o toku i završetku E – aukcije za LOT 4 čini sastavni dio Zapisnika o pregledu i ocjeni ponuda.

Član 5.

Izabrani ponuđač „**MEDIT**“ d.o.o. Sarajevo, svoju početnu ponudu nakon provedene „E-aukcije“ za LOT 4 umanjio za procenat od 24,22%

S tim u vezi sve jedinične cijene po stavki iskazane u Obrascu za cijenu ponude umanjit će se za isti procenat i te umanjene cijene će se primjeniti u Okvirnom sporazumu.

Član 6.

Izabrani ponuđači : „MEDIT“ d.o.o. Sarajevo i INEL-MED d.o.o. Mostar nisu dužni dostaviti originale ili ovjerene kopije dokumentacije iz člana 45. Zakona o javnim nabavkama, obzirom da je iste dostavio uz ponudu.

Član 7.

Prijedlog Okvirnog sporazuma o nabavci dostavlja se na potpis izabranim ponuđačima nakon isteka roka za žalbu, a najkasnije u roku od petnaest (15) dana, računajući od dana prijema Odluke ugovornog organa o izboru najpovoljnijeg ponuđača.

Član 8.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 9.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj 23-4954-1/24 od 18.04.2024. godine.

Javna nabavka je sprovedena putem otvorenog postupka, broj tendera JN 36/24.

Ukupna procijenjena vrijednost javne nabavke bez PDV-a je 257.000,00 KM na dvogodišnjem nivou bez uračunatog PDV-a, odnosno po LOT-ovima kako slijedi :

1. LOT 1. Nožići za artroskopski brijač (Shaver) Arthrex - 5.000,00 KM
2. LOT 2. Proksimalni femoralni čavao i humeralni kanulirani čavao – 192.700,00 KM
3. LOT 3. Proksimalni femoralni čavao - 34.000,00 KM
4. LOT 4. Ugaone pločice zaključavajuće - 25.300,00 KM

Obavještenje o nabavci broj: 1125-1-1-150-3-183/24 objavljeno je na Portalu javnih nabavki dana 06.06.2024.godine, a isto je objavljeno u „Službenom glasniku BiH“ br. 41/24, od 14.06.2024.god.

Komisija za provođenje postupka predmetne javne nabavke imenovana je Rješenjem o imenovanju Komisije za nabavku broj: 23-4954-2/24 od 18.04.2024. godine, odnosno Rješenjem o izmjeni i dopuni Rješenja o imenovanju Komisije za javnu nabavku br. 23-4954-3/24 od 15.05.2024.godine

Komisija za javnu nabavku, dostavila je direktoru Javne ustanove Opća bolnica „Prim. dr. Abdulah Nakaš“, Zapisnik o pregledu i ocjeni ponuda broj: 23-4954-11/24 od 11.07.2024. godine, Preporuku o izboru najpovoljnijeg ponuđača broj: 23-4954-12/24 od 11.07.2024. godine i Izvještaj o radu broj: 23-4954-13/24 od 11.07.2024. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 3 ponude
- da su blagovremeno primljene 3 ponude
- da nije bilo neblagovremeno primljenih ponuda.

Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:

Ponudač INEL-MED d.o.o. Mostar ispunjava sve tražene uslove u pogledu opisa predmeta nabavke i tehničke specifikacije za LOT 2, te je njegova ponuda uzeta u dalje razmatranje.

Ponudač MEDIT d.o.o. Sarajevo ispunjava sve tražene uslove u pogledu opisa predmeta nabavke i tehničke specifikacije za LOT-ove 3 i 4, te su njegove ponude uzete u dalje razmatranje.

Ponudač MARK MEDICAL d.o.o. Sarajevo ispunjava sve tražene uslove u pogledu opisa predmeta nabavke i tehničke specifikacije za LOT 4, te je njegova ponuda uzeta u dalje razmatranje.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama („Sl. glasnik BiH“ broj: 39/14), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:
Emina Turković, dipl.iur.,
Glavni saradnik za javne nabavke

Kontrolisala:
Amira Petrović, BA općeg prava,
Glavna inspektorica javnih nabavki

Dostaviti:

- **INEL-MED d.o.o. MOSTAR**
Rudarska 20 b (Objekat I, Centar II)
88000 MOSTAR
- **MEDIT d.o.o. SARAJEVO**
Soukbunar br. 5
71000 SARAJEVO
- **MARK MEDICAL d.o.o. SARAJEVO**
Radenka Abazovića 5
71000 SARAJEVO
- Odjeljenje za ekonomsko finansijske poslove
- Bolnička apoteka
- Komisiji za javne nabavke

